


Baibuli y'Abato
erabanjurira

Okutandika
kw'Obusaasi
bw'Omntu



Ekahandiikwa: Edward Hughes
Omuteezi w'Ebishushwani: Byron Unger; Lazarus;
Alastair P.

Kikahindurwamu: M. Maillot; Tammy S.
Kikavunuurwa: Manuel John Kamugisha Muranga
Kikashohozibwa: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.


Okwikirizibwa: Oraikirizibwa kuhanduukurura, kukora kope nari kuteera
ekyapa omuri ogu mugane, kwonka toraikirizibwa kuguza.




RUHANGA AKAKORA BYONA!

Omuntu w'okubanza ou Ruhanga
yaakozire, Adamu, akatuura n'omukazi
we Haawa omu Musiri Edeni. Bakaba
bashemereirwe munonga, baroorobera


Ruhanga kandi bari gye
ahabwokuba akaba ari hamwe
nabo. Kwonka
eizooba
rimwe ...





Enjoka ekabuuza
Haawa eti, "Hari ga
Ruhanga akabagira ngu
mutarirya aha bijuma
bya buri muti?" Haawa
yaagigarukamu ati,
"Turaikirizibwa kurya
aha bijuma bya buri
muti, okwihaho gumwe.
Twaguryaho ebijuma
nainga tukagukwataho,
tura fwa."






Enjoka
yaamugarukisamu
omugayo, eti, "Aza
timukoofwa!" "Ahoobwe
muraba nka Ruhanga."
Haawa nikwe kuhurira
yaayenda ngu aroze aha
bijuma by'ogwo muti,
akaikiriza eki enjoka
yaamugambira, akarya
ahari ebyo
bijuma.



Ahaanyima y'okugomera
Ruhanga, Haawa akatuma na
Adamu yaarya ahari ebyo
bijuma. Kwonka Adamu akaba
ashemereire kwanga, akagira
ati, "Ingaaha!
Tindaagomere
Ekigambo kya
Ruhanga."





Adamu na
Haawa ku baasiisire,
bombi baamanya ngu bajwaire busha.
Nikwe kuronda amababi g'emitiini, bakagakoramu
eby'okushweka ebicweka by'omumaisho by'emibiri
yaabo, bakeeshereka Ruhanga omu kibira.



Omu mabeho g'omwebazo Ruhanga yaija omu Musiri.

Akaba aramanya eki Adamu na Haawa baakora.

Mpaho Adamu yaacwera Haawa orubanja, na Haawa yaarucwera enjoka.

Ruhanga yaagira ati, "Enjoka yaakyeenwa, kandi omukazi aryaguma ashaashe arazaara."

"Kandi iwe Adamu, ahabwokuba osiisire, ensi yaakyeenwa kumeramu amahwa n'amatojo.

Oryaguma orakoreereza,


oratuutukara,

kugira

ngu okoobona

eky'okuta omunda

buri izooba."





Baasi Ruhanga yaiha Adamu na
Haawa omuri

ogwo Musiri
murungi munonga,

baayahukana nawe, Omuhi w'amagara,
ahabw'okushiisha kwabo! Ruhanga
nikwe akakora rurara ekazire
nk'omuriro ey'okuzibira
Adamu na Haawa kugaruka
omu musiri, yaabakorera
ekooti z'empu. Ezo mpu
Ruhanga akaziiha nkahe?




Ku haahingwireho obwire, Adamu na
Haawa baazaara abaana. Omutabani waabo kandi
omujigaijo, Kaini, akaba ari omuhingi. Mutabani
waabo wa kabiri, Abeeli,
akaba ari omuriisa.



Eizooba rimwe Kaini akareetera Ruhanga emboga nk'ekiconco, kwonka Abeeli 'we yaakora omu ntaama ze ezaabaire zirakirirayo kimwe oburungi, yaazireetera Ruhanga nk'ekiconco. Ruhanga yaasiima ekiconco kya Abeeli.




Ku Ruhanga ataasiimire ekiconco
kya Kaini, Kaini yaitwa ekiniga
kingi munonga. Kwonka Ruhanga
yaamugira ati, "Hona ogizire ngu
wookuzire ekihikire
tokoosiimirwe?"



Kaini akaguma aine ekiniga.
Obunaku ku bwahingwireho
bukye, yaahaagaagira Abeeli
bari omu iriisizo, yaamwita!



Ruhanga nikwe kubuuzza Kaini ati, "Murumuna waawe ari nkahe?" Kaini yaamubeiha ati, "Ku ntaramanya." Yaagumizamu ati, "Niinye murinzi wa murumuna wangye?" Ruhanga yaafubira Kaini, yaamwaka obwengye bwe bw'okuhinga, yaamuhinduramu ekizengyerezi.



Kaini yaaruga omu maisho ga Ruhanga, yaashwera muhara wa Adamu na Haawa, baagira amaka.

Tikiratwaire omwanya muraingwa, baijukuru na baijukuruza ba Kaini bakaba baayijwize orurembo oru yaatandikire.




Ebyo bikyari aho, ab'eka ya Adamu
na Haawa baaguma barakanya
munonga. Omuri ebyo biro, abantu
bakaba barahangaara munonga
kukira obwahati.




Omutabani Seezi ku yaazairwe, Haawa yaagira ati,
"Ruhanga yampa Seezi kuza omu mwanya gwa
Abeeli." Seezi akaba ari omuntu oratiina
Ruhanga, kandi akamara emyaka 912 omu
nsi, yaazaara abaana baingi.



Nk'oku ruzaaro y'abantu omu nsi yaizire ereeyongyera, nikwe n'emitarize yaabo yaagumire ereeyongyera kuba mibi. Ruhanga akarugaho yaasharamu kubahwerekyereza, ...



... yaagaitaho n'okuhwerekereza
enyamaishwa zoonna n'enyonyi. Ruhanga
akeefuuzza eki yaabaire ahangire
omuntu. Kwonka hakaba hariho
omushaija omwe owaashemeize
Ruhanga ...



Omushaija ogwe niwe Noa.
Noa, owaabaire arakomooka
ahari Seezi, akaba ari omuntu
ohikiriire, otaine kamogo.
Akaba aragyenda na
Ruhanga.



Kandi akeegyesa na batabani
beeye bashatu kutiina Ruhanga.
Ruhanga nikwe akateekateeka
kukozeza Noa omu muringo
gutari gwa buriijo,
gw'omutaano!



Okutandika kw'Obusaasi bw'Omuntu


Omugane kuruga omu Kigambo kya
Ruhanga, Baibuli

gurashangwa omuri

Okutandika 3-6

"Ebigambo byawe, byashuuruurwa, birareeta
omushana." Zaaburi 119:130





Omuhuru



2



60



Ogu mugane gw'omu Baibuli guratugambira ahari Ruhanga waitu ow'okutangaaza, owaatuhangire kandi orenda ngu tumumanye.

Ruhanga aramanya ngu tukozire ebintu bibi, ebi areeta ekibi. Ekifubiro ky'ekibi n'okufwa; kwonka Ruhanga ahabw'okukukunda munonga akoohereza Omwana weeye omwe nyamunegyere, Yesu, kufwera aha musharaba nk'ekifubiro ahabw'ebibi byawe. Kwonka Yesu akazooka, yaatempa oweeye omu Iguru! Waikiriza Yesu, okamushaba kukusaasira ebibi byawe, arakikora! Araiya hati, atuure omuriwe, reero naiwe otuure nawe ebiro n'ebiro.

Waaba oraikiriza ngu ago nigo mazima, gambira Ruhanga oti: Ai Yesu, ndaikiriza ngu ori Ruhanga, kandi ngu okaiya nk'omuntu, waafwera ebibi byangye; kwonka hati kandi oriho, ohuriire. Ndakushaba ngu oiye omu magara gangye hati, onsaasire ebibi byangye, ngire amagara masya, kandi eizooba rimwe nyije kutuura naiwe ebiro n'ebiro.

Shoma Baibuli kandi ogambe na Ruhanga buri izooba!
Yohaana 3:16

